

**KOMISIJA ZA PRIPREMANJE PRIJEDLOGA ZA IZBOR U NAUČNO-NASTAVNO
ZVANJE VIŠI ASISTENT/ICA ZA PREDMETE NAUČNE OBLASTI GRAĐANSKO
PRAVO I GRAĐANSKO PROCESNO PRAVO**

**UNIVERZITET U SARAJEVU
PRAVNI FAKULTET**

Sarajevo, 25.02.2022. godine

Broj: 01-309/22
Datum; 02. 03. 2022 god.

**NASTAVNO-NAUČNOM VIJEĆU PRAVNOG FAKULTETA UNIVERZITETA U
SARAJEVU**

Predmet: Izvještaj Komisije za pripremanje prijedloga za izbor u naučno-nastavno zvanje viši asistent/ica na naučnoj oblasti Građansko pravo i građansko procesno pravo

Podaci o objavljenom konkursu i formiranju komisije

a) Univerzitet u Sarajevu – Pravni fakultet, na osnovu usvojenog dinamičkog plana potreba za raspisivanjem konkursa za izbor u zvanja u akademskoj 2021/2022. godini, raspisao je konkurs za izbor/napredovanje jednog saradnika/ice u zvanje višeg asistenta/ice na predmetima naučne oblasti Građansko pravo i građansko procesno pravo. Konkurs je objavljen u dnevnom listu „Oslobođenje“ i na web-stranicama Univerziteta u Sarajevu (dalje: UNSA) i UNSA - Pravnog fakulteta (dalje: Fakultet) dana 06.01.2022. godine. U roku za podnošenje prijava na konkurs (15 dana od dana objavljivanja) prijavio se jedan kandidat za izbor u zvanje višeg asistenta/ice.

b) Na osnovu člana 106. stav 3. Zakona o visokom obrazovanju Kantona Sarajevo (Službene novine Kantona Sarajevo 33/17, 35/20, 40/20, 39/21) - dalje: ZVO) Nastavno-naučno vijeće Pravnog fakulteta Univerziteta u Sarajevu je na XI sjednici održanoj 09.02.2022. godine donijelo Odluku o imenovanju Komisije za pripremanje prijedloga za izbor jednog saradnika/ice u zvanje višeg asistenta/ice na predmetima naučne oblasti Građansko pravo i građansko procesno pravo (dalje: Komisija) u sastavu:

1. Prof. dr Meliha Povlakić, redovna profesorica na naučnoj oblasti Građansko pravo i građansko procesno pravo, Predsjednica
2. Prof. dr Iza Razija Mešević, vanredna profesorica na naučnoj oblasti Pravo intelektualnog vlasništva
3. Prof. dr Darja Softić Kadenić, vanredna profesorica na naučnoj oblasti Građansko pravo i građansko procesno pravo,

c) Na osnovu Odluke o imenovanju Komisije za pripremanje prijedloga za izbor broj: 01-188-1/22 od 09.02.2022. godine, zadatak Komisije je da podnese pisani Izvještaj sa prijedlogom Nastavno-naučnom vijeću Univerziteta u Sarajevu – Pravnog fakulteta u Sarajevu u skladu sa tekstom raspisanog konkursa u roku od 45 dana od isteka roka za podnošenje prijava na konkurs.

d) Nakon što je razmotrila prijavu i priloženu dokumentaciju prijavljenog Kandidata, Komisija u skladu sa odredbama članova 106. – 108. ZVO i člana 205. Statuta Univerziteta u Sarajevu iz 2018 (dalje: Statut) podnosi slijedeći

I Z V J E Š T A J

1. Prijava Kandidata

Na osnovu pisane potvrde sekretarke UNSA – Pravnog fakulteta broj 01-188-2/22 od 10.02.2022. Komisija konstatuje da se na konkurs za izbor/napredovanje jednog saradnika/ice u zvanje višeg asistenta/ice na predmetima naučne oblasti Građansko pravo i građansko procesno pravo prijavio samo jedan Kandidat, i to:

1) Nasir Muftić, LL.M.

Prijava na konkurs je zavedena pod brojem 01-65/22 od 13.01.2022. godine na protokolu UNSA – Pravnog fakulteta. Kandidat je uz prijavu dostavio slijedeću dokumentaciju:

1. Biografija (*Curriculum Vitae*) u elektronskoj i printanoj formi.
2. Ovjerena kopija diplome o stečenoj akademskoj tituli i zvanju magistar prava i ovjerena kopija dodatka diplomi,
3. Ovjerena kopija Posebnog priznanja Zlatna značka Univerziteta u Sarajevu za I ciklus studija,
4. Ovjerena kopija diplome o stečenoj akademskoj tituli i stručnom zvanju bakalaureat/bachelor prava i ovjerena kopija dodatka diplomi, sa prevodom sudskog tumača
5. Ovjerena kopija Posebnog priznanja Zlatna značka Univerziteta u Sarajevu za I ciklus studija,
6. Uvjerjenje o položenim ispitima sa ocjenama iz pojedinih predmeta za I i II ciklus
7. Potvrda o radnom stažu i provedenom jednom izbornom periodu u zvanju asistenta,
8. Lista objavljenih naučnih radova od izbora u zvanje asistenta, kao i same kopije radova
9. Lista radova izloženih na konferencijama od izbora u zvanje asistenta
10. Uvjerjenje o državljanstvu (original),
11. Ovjerena kopija izvod iz matične knjige rođenih.
12. Diploma o poznavanju stranog jezika – njemački jezik, Poliglot; datum izdavanja: 13.08.2018;
13. Certifikat o učešću na ljetnoj školi na temu “Current challenges in Human Rights Protection”, od 29-06 juna 2019. na Univerzitetu Saarbrücken;
14. Certifikat o učešću na konferenciji “Law of Obligations”, održanoj 12-13 Decembra 2019. godine na Univerzitetu u Zagrebu;

15. Potvrda o saradnji sa organizacijama Incijativa mladih za ljudska prava u BiH i National Democratic Institute for International Affairs i Fondacija Infohouse na projektima kreiranja kurikuluma radionice „Pravo u tranziciji“ i realizaciji višednevne radionice „Pravo u tranziciji“, koja je održana u Bijeljini (17.-23.1.2020.);
16. Certifikat zahvalnosti za učešće na ljetnoj školi medijskog prava, održanoj 14-19 septembra 2021. godine u organizaciji OSCE-a i Pravnog fakulteta – Univerzitet u Sarajevu;
17. Certifikat o učešću na seminaru na temu “Mali vs veliki na tržištu – koliko smo daleko od EU (Zloupotreba vladajućeg položaja u pravu BiH i EU), održanog 20.04.2018. godine u Vanjskotrgovinskoj komori BiH u Sarajevu;
18. Potvrda o saradnji sa organizacijama Incijativa mladih za ljudska prava u BiH i Global Analitika na projektima kreiranja kurikuluma radionice „Medijsko pravo i sloboda izražavanja“, realizaciji radionice „Medijsko pravo: zakonodavstvo i sloboda govora“, u Sarajevu, 04.12.2020. godine, kreiranju priručnika: „Medijska pismenost: priručnik za podučavanje“, Sarajevo, 2021.
19. Certifikat o učešću na radionici na temu “GDPR UREDBA I ZAKON O ZAŠTITI LIČNIH PODATAKA BIH”, održanoj 04.02.2020. godine u organizaciji Vanjskotrgovinske komore BiH i Fondacije Konrad Adenauer.

Prijava Kandidata je blagovremena i potpuna, te je Komisija u skladu sa zakonskim i statutarnim odredbama vrednovala ispunjenost uvjeta za izbor u zvanje višeg asistenta za naučnu oblast Građansko pravo i građansko procesno pravo.

2. Biografski podaci, obrazovanje, stečena zvanja, zaposlenje

2.1. Biografski podaci i obrazovanje

Kandidat je I ciklus studija završio na Univerzitetu u Sarajevu – Pravnom fakultetu, sa prosječnim ocjenama 9.83 i ocjenom 10.00 na predmetima naučne oblasti, zbog čega je na I ciklusu studija bio odlikovan posebnim priznanjem „Zlatna značka Univerziteta u Sarajevu“.

Drugi ciklus je Kandidat studirao na Central European University, Budimpešta, master studij LL.M. International Business Law, koji je okončao odbranom magistarskog rada pod naslovom „Cramdown in Chapter 11 of the US Bankruptcy Law: Lessons for Bosnia and Herzegovina“. Prema diplomi CEU on je master studije iz oblasti međunarodnog poslovnog prava završio sa izuzetnim uspjehom. U toku II ciklusa studija ostvario je prosječnu ocjenu 3.62 (od maksimalne ocjene 4), pri čemu je prosječna ocjena grupe bila 3.37. Postupak priznanja inostrane diplome je okončan akademskim i stručnim priznavanjem diplome CEU.

Kandidat trenutno pohađa III ciklus studija na Univerzitetu u Sarajevu – Pravnom fakultetu, Građanskopravni smjer, gdje je u dosadašnjem toku studija ostvario prosječnu ocjenu 10.00.

Dana 07.07.2021. uspješno je odbranio projekat doktorske disertacije pod naslovom „Utjecaj umjetne inteligencije na građansko pravo sa posebnim fokusom na odgovornost“ pod mentorstvom prof. dr. Christiane Wendehorst i komentorstvom prof. dr. Melihe Povlakić. Odlukom Senata Univerziteta u Sarajevu br 01-1-106/22 od 26.01.2021. godine odobrena mu je realizacija navedenog projekta doktorske disertacije.

2.2. Stečena znanja

Kandidat je položio pravosudni ispit (26.08.2021.).

Kandidat odlično govori engleski jezik, o čemu ne dostavlja dokaz, ali o ovome svjedoči činjenica da je uspješno apsolvirao master studije na engleskom, odbranio master tezu na engleskom i trenutno piše doktorsku tezu na engleskom. Dostavio je potvrdu o poznavanju njemačkog jezika (nivo znanja A 2.1.).

Uspješno je završio program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu koji se vrednuje sa 6 ECTS.

O ovome Kandidat nije dostavio pismene dokaze, ali je Predsjednica Komisije, kao predmetni nastavnik, sa time upoznata.

2.3. Zaposlenje

Kandidat je na Univerzitetu u Sarajevu – Pravni fakultet radni odnos zasnovao 16.07.2018. godine.

U skladu sa Ugovorom o sufinansiranju zapošljavanja asistenata i stručnih saradnika na Univerzitetu u Sarajevu po programu „150+“ broj: 04/1-34-01-150+/18 zaključenim 04.05.2018. godine između Službe za zapošljavanje Kantona Sarajevo i Univerziteta u Sarajevu, pored općih zakonskih uvjeta, kandidati su trebali da se nalaze u evidenciji nezaposlenih Službe za zapošljavanje Kantona Sarajevo, a prednost pri odabiru kandidata su imali dobitnici priznanja Univerziteta u Sarajevu: Zlatna, Srebrna značka, Povelja Univerziteta. Kandidat je u postupku prijema u radni odnos ostvario 95 bodova, i bio prvoplasirani na listi, čime je ispunio uvjete za izbor u zvanje asistent te je zasnovao radni odnos na period od 4 godine.

U svojstvu asistenta je proveo jedan izborni period, što dokazuje odgovarajućom potvrdom Fakulteta.

3. Ocjena ispunjenosti uvjeta Kandidata za izbor u naučno-nastavno zvanje viši asistent

Ispunjenost uvjeta za izbor kandidata u naučno-nastavno zvanje viši asistent procjenjivana je prema odredbama: članova 96. stav 1. i 180. stav 15. ZVO, članova 194. stav 1. lit. b) i člana 219. Statuta Univerziteta u Sarajevu.

3.1. Stepen drugog ciklusa studija sa najnižom prosječnom ocjenom i na prvom i na drugom ciklusu studija 8 ili 3,5

Na osnovu diplome o završetku Prvog ciklusa studija na Pravnom fakultetu Univerziteta u Sarajevu slijedi da je Kandidat prvi ciklus studija završio ocjenom 9,83, a drugi ciklus studija ocjenom 3,62 koji je apsolvirao na stranom univerzitetu (najveće ocjena 4,00). Za uspjeh na I ciklusu studija dobio je posebno priznanje Zlatna značka Univerziteta u Sarajevu.

3.2. Proveden period u zvanju asistenta

Na osnovu potvrde UNSA – Pravnog fakulteta broj 01-61/22 od 12.01.2022. i 01-61-1/22 od 20.01.2022. godine slijedi da je Kandidat bio u radnom odnosu na Fakultetu u zvanju asistentta u izbornom periodu od četiri godine za vrijeme kojeg perioda je bio angažiran u realizaciji nastave na predmetima naučne oblasti Građansko pravo i Građansko procesno pravo.

U studentskim evaluacijama u akademskim godinama 2018/19 do 2021/22 kandidat je dobio pozitivne ocjene studenata za izvođenje vježbi i drugih oblika nastave.

Komisija posebno ističe višegodišnji angažman kandidata u pripremi tima Pravnog fakulteta u takmičenju iz medijskog prava Price Moot Court, pri čemu je tim Fakulteta u akademskoj godini 2021/22 osvojio prvo mjesto na regionalnim fazama takmičenja za Južnu i Istočnu Evropu i plasirao se za finalno takmičenje Price Moot Court koje se održava na Univerzitetu Oxford.

Na Fakultetu je bio angažiran u radu više komisija i tijela, a to su: Komisija za sprovođenje ekvivalencije naučnih i stručnih zvanja, Komisija za provjeru uslova u pogledu završetka I ciklusa studija, Odbor za osiguranje kvaliteta, Operator za DL nastavu na Građanskog katedri, Koordinator II ciklusa studija na Građanskog katedri, Izvršni odbor za naučni skup „Razvoj naučnih disciplina na Pravnom fakultetu Univerziteta u Sarajevu“ koja je održana 27.09.2021. godine, izvršni odbor za Tripartitnu naučnu konferenciju o temi „Prednosti alternativnog rješavanja sporova“ koja je održana 06.04.2019 godine, te Popisna komisija u kojoj je učestvovao svake godine provedene na ovom radnom mjestu.

U svim navedenim komisijama i tijelima Kandidat je dao vrijedan doprinos i istakao se svojom predanošću i angažmanom.

3.3. Naučne, stručne i druge aktivnosti

3.3.1. Objavljeni radovi

Kandidat je do sada objavio 9 naučnih radova, od toga tri u elektronskoj formi, te nekoliko prikaza:

- 1) Pravilo apsolutnog prioriteta - pravilo ili izuzetak, Godišnjak Pravnog fakulteta Univerziteta u Sarajevu LXI, 2018.;
- 2) Dostupnost privremenih mjera određenih od strane arbitara u međunarodnoj trgovačkoj arbitraži, Godišnjak Pravnog fakulteta Univerziteta u Sarajevu LXII, 2019;

- 3) Utjecaj Pandemije COVID-19 na privatno-pravne odnose (The impact of COVID-19 on the private law relationships, koautorstvo sa Melihom Povlakić, Darjom Softić Kadenić, Selmom Mezetović Međić, ZIPS 1426, 2020;
- 4) Liability for Artificial Intelligence, zbirka priloga sa konferencije pod nazivom „Zagreb International Conference on the Law of Obligations“, u Digital Technologies and the Law of Obligations (urednici Zvonimir Slakoper, Ivan Tot), Routledge | Taylor & Francis, 2021;
- 5) Treating personal data as property: A solution for digital world?, Međunarodni zbornik radova sa konferencije “Property Law Conference – Challenges of the 21st Century”, Pravni fakultet Univerziteta Union u Beogradu, 2021;
- 6) Mogućnost zloupotrebe prava u postupku javnog nadmetanja za prodaju nekretnina u izvršnom postupku u pravu BiH, koautorstvo sa Melihom Povlakić i Tahirom Herendom, Zbornik Pravnog fakulteta u Zagrebu, 2021, vol. 71. br. 3
- 7) Obavještenje o derogaciji Evropske konvencije za zaštitu ljudskih prava i temeljnih sloboda – pravi put za Bosnu i Hercegovinu? Fondacija Centar za javno pravo, dostupno: http://fcjp.ba/analize/Nasir_Muftic-Obavjestenje_o_derogaciji_Evropske_konvencije_za_zastitu_ljudskih_prava_i_temeljnih_sloboda_%E2%80%93pravi_put_za_BiH.pdf
- 8) Pandemija COVID-19 kao test za privatnost, esej napisan za Univerzitet u Sarajevu – Pravni fakultet, dostupan na: <http://www.pfsa.unsa.ba/pf/wp-content/uploads/2020/05/9-Nasir-Mufti%C4%87-LLM.pdf>
- 9) Sacrificing privacy in the fight against pandemics – how far is too far? Examples from Bosnia and Herzegovina and Montenegro, koautorstvo sa Tahirom Herendom, Balkan Yearbook of European and International Law, Springer, 2021, dostupan na: https://link.springer.com/chapter/10.1007/16247_2020_22?fbclid=IwAR3889i3IZur3FVIsF0sZ-f4tosZmHh8mYH4tH9OeS5H6b3gay_G2RzFI8k.

Prikazi:

Pregled prakse Suda Evropske Unije, Pravna misao, broj 5-6, 2019. godina;
 Pregled prakse Suda Evropske Unije, Pravna misao, broj 7-8, 2019. godina;
 Pregled prakse Suda Evropske Unije, Pravna misao, broj 9-10, 2019. godina;
 Pregled prakse Suda Evropske Unije, Pravna misao, broj 11-12, 2019. godina.

3.3.2. Učešće u naučno-istraživačkim projektima u kojim su sudjelovali i domaći i međunarodni stručnjaci

O navedenom učešću Kandidat je podnio slijedeće dokaze:

- 1) Elektronski dokaz o učešću u projektu Goethe Instituta o etičkim pitanjima umjetne inteligencije pod nazivom „Ethical=LABS“, u periodu 28/04/2021–20/11/2021.

3.3.3. Učešće na međunarodnim i domaćim skupovima sa izlaganjima/referatima

Kandidat je podnio izvještaj u učešću na slijedećim međunarodnim i domaćim skupovima:

- 1) Tripartitna naučna konferenciju o temi „Prednosti alternativnog rješavanja sporova“, Sarajevo, 06/04/2019, izložen rad na temu: “Privremene mjere u međunarodnoj trgovačkoj arbitraži – globalni trendovi u pogledu nadležnosti arbitara”;
- 2) #FreeMedia4WesternBalkans (međuuniverzitetska radionica), Europa Institut (Univerzitet u Saarbruckenu) and South-Eastern European Law School Network, Predstavnik Pravnog fakulteta – Univerzitet u Sarajevu, Skoplje (Sjeverna Makedonija), 06/11/2019 - 08/11/2019;
- 3) Freja Forum 2019, Freja, Skoplje (Sjeverna Makedonija), 08/11/2019 - 10/11/2019, izložen rad na temu: "Challenges to the current legal framework posed by the new technologies - Artificial Intelligence";
- 4) Zagreb International Conference on the Law of Obligations, Univerzitet u Zagrebu (Croatia), 12/12/2019 - 13/12/2019, izložen rad na temu: "Liability for Artificial Intelligence";
- 5) DOMIPO – radionica o pravu na dom u izvršnom postupku , Univerzitet u Sarajevu i Ministarstvo za obrazovanje Kantona Sarajevo, 20/12/2019, izložen rad na temu: "Pravo na poštovanje doma prema Evropskoj konvenciji o ljudskim pravima";
- 6) COVID-19 i povezani izazovi – Fondacija Konrad Adenauer i Pravni fakultet – Univerzitet u Sarajevu, 16/09/2020, izložen rad na temu: “Viša sila i promijenjene okolnosti na primjeru pandemije COVID-19”;
- 7) Problem u izvršnom postupku – Centar za edukaciju sudija i tužilaca Federacije Bosne i Hercegovine – 06/10/2020, izložen rad na temu: "Zloupotreba postupka javnog nadmetanja u izvršnom postupku u BiH”;
- 8) PLC Property Law Conference – Challenges of the 21st Century, Pravni fakultet Univerziteta Union u Beogradu, u saradnji sa Univerzitetom Osnabrück, 9/10/2020, izložen rad na temu: “Treating personal data as property– has the time arrived?”;
- 9) PGR Conference 2020 ‘Legal Implications in the Digital World’ – Univerzitet u Sheffield 08/12/2020, izložen rad na temu: “Understanding the Risks of Artificial Intelligence as a Precondition for Sound Liability Regulation”;
- 10) Kolokvij pod nazivom “Artificial Intelligence and Normative Challenges–International and Comparative Legal Perspectives”- organiziran od strane Fondacije Kalliopi Koufa i Pravnog fakulteta Univerziteta Aristotel u Solunu, 01-02/04/2021, izložen rad na temu:“Understanding the Risks of Artificial Intelligence as a Precondition for Sound Liability Regulation”;
- 11) Edinburgh Postgraduate Law Conference 2021 “Great Expectations: When Law Meets Reality”, Univerzitet Edinburgh, 19–20/04/2021, “Regulation of AI liability–between moral hazard and the impairment of progress”;

12) Razgovor sa profesicom Helen Keller, bivšom sudinicom Evropskog suda za ljudska prava i sudinicom Ustavnog suda BiH – Univerzitet u Sarajevu i Fondacija Konrad Adenauer – moderiranje događaja, 27/04/2021;

13) Webinar na temu “Izazovi slobode izražavanja u 21. stoljeću”, - Univerzitet u Sarajevu i Fondacija Konrad Adenauer, moderator i izlagač na temu “Lažne vijesti u svjetlu pandemije COVID 19 i izbornog procesa”, 28/04/2021;

14) Okrugli stol na temu „Towards Digital Constitutionalism“, European University Institute, učesnik okruglog stola, 26/11/2021;

15) Konferencija i radionica o pitanju nestalih osoba tokom rata u BiH 1992-1995 i podršci njihovim porodicama, Međunarodni komitet crvenog križa, prezentacija “Imovinska prava nestalih osoba”, 29/11/2021.

3.4.4. Istraživački boravci

Kandidat je podnio dokaze o slijedećim istraživačkim boravcima

1) Učesnik Ljetne škole na temu „Current Challenges in Human Rights Protection“, Univerzitet u Saarlandu, 29/06/2019–06/07/2019;

2) Max-Planck institut za komparativno i međunarodno privatno pravo u Hamburgu, 01. oktobar do 31. decembar 2021. godine.

Zaključna ocjena i prijedlog Komisije

Na konkurs za izbor jednog saradnika/ice u zvanju višeg asistenta/ice na predmetima naučne oblasti Građansko pravo i građansko procesno pravo na studijskim programima UNSA-Pravnog fakulteta, objavljenom u dnevnom listu „Oslobodenje“ od 06.01.2022. godine i internet stranicama Fakulteta i Univerziteta, prijavio se kao jedini Kandidat Nasir Muftić LL.M.

Na osnovu uvida u priloženu dokumentaciju i na osnovu činjenica potvrđenih priloženom dokumentacijom, Komisija jednoglasno procjenjuje da je Kandidat Nasir Muftić LL.M.:

- završio je drugi ciklus studija (300 ECTS bodova) sa prosječnom ocjenom na prvom ciklusu 9,83 a na drugom ciklusu studija 3,62 (najviša ocjena 4,00);

- u svojstvu asistenta na UNSA – Pravnom fakultetu obavljao je poslove asistenta preciznije vježbe, konsultacije i ispite na obaveznim i izbornim predmetima naučne oblasti Građansko pravo i građansko procesno pravo u četverogodišnjem izbornom periodu od 2018. do 2022. godine. U ovom je svojstvu pripremao tim Fakulteta za međunarodno takmičenje u oblasti medijskog prava i postigao značajne uspjehe;

- kao autor i ko-autor objavio je više radova koji po svom sadržaju te vrsti i strukturi publikacija u kojima su objavljeni odgovaraju Zakonom i Statutom utvrđenim uvjetima za naučno-istraživački rad;

- bio je učesnik u projektima u kojim su sudjelovali i domaći i međunarodni stručnjaci;

- sudjelovao je na više međunarodnih i domaćih skupova sa izlaganjima/referatima.

Iako se objavljeni radovi niti učešće u naučnim i stručnim aktivnostima, projektima i sl. ne postavljaju kao uvjet za izbor u zvanje višeg asistenta, kandidat je dostavio dokaze o objavljenim radovima, učešćima u projektima, međunarodnim skupovima i sl. Pri tome se radi o velikom broju radova i učešća u drugim aktivnostima, što je još značajnije ako se ima u vidu da se radi o saradniku u prvim godinama provedenim na Fakultetu. Komisija odista cijeni da se u tom kontekstu radi o izuzetnom uspjehu. Treba veoma pozitivno ocijeniti ne samo kvantitet radova već i njihov kvalitet. Radovi koji su podložni kategorizaciji su kategorizirani kao izvorni i pregledni znanstveni radovi, a pri tome su objavljeni u uglednim i priznatim međunarodnim i domaćim naučnim i stručnim časopisima. Radovi pokrivaju široku oblast građanskog prava i građanskog procesnog prava. Posebno treba istaći da teme kojima se bavi Kandidat spadaju u najaktuelnije teme građanskog prava danas: utjecaj pandemije COVID-19 na građansko pravo, medijsko pravo, zaštita privatnosti, vještačka inteligencija. Navedeno svjedoči o intelektualnoj radoznalosti kandidata i širokom pravničkom obrazovanju. Posebno valja istaknuti odabir teme doktorske disertacije – Utjecaj umjetne inteligencije na građansko pravo sa posebnim fokusom na odgovornost – koja je najaktuelnija tema opće teorije građanskog prava i obligacionog prava, gdje bi se njegov rad mogao označiti pionirskim. Upravo mu je odabir ove teme donio poziv za učešće da gostuje na nizu konferencija kao što su PGR Conference 2020 ‘Legal Implications in the Digital World’, Univerzitet u Sheffieldu, Edinburgh Postgraduate Law Conference 2021 “Great Expectations: When Law Meets Reality”, Univerzitet Edinburgh, i okrugli stol na temu „Towards Digital Constitutionalism“, European University Institute, Firenca, te poziv da bude gostujući predavač za studente prava na drugom ciklusu studija na Univerzitetu Sorbona, dana 10.02.2022. godine (O ovom predavanju Kandidat nije podnio pismeni dokaz, jer je predavanje bilo organizirano nakon podnošenja prijave na konkurs, a Predsjednica Komisije kao predmetni nastavnik ima informacije o ovome).

Na osnovu navedenog o naučno-istraživačkom angažmanu i pozitivne ocjene o ispunjavanju svih obaveza iz rada i u vezi sa radom na Fakultetu, pozitivnih studentskih evalucija, Komisija je jednoglasno procijenila da Kandidat Nasir Muftić LL.M. posjeduje stručne, naučno-istraživačke i pedagoške kvalitete, te da ispunjava sve tražene uvjete za izbor u naučno-nastavno zvanje višeg asistenta za predmete naučne oblasti Građansko pravo i građansko procesno pravo na studijskim programima Pravnog fakulteta u Sarajevu u skladu sa zakonskim i statutarnim odredbama.

Prijedlog:

Na osnovu prethodno navedenog, Komisija predlaže da se kandidat Nasir Muftić LL.M. izabere u naučno-nastavno zvanje višeg asistenta za naučnu oblast Građansko pravo i građansko procesno pravo.

KOMISIJA



Prof. dr Meliha Povlakić



Prof. dr Iza Razija Mešević



Prof. dr Darja Softić Kadenić